

1909

年

第

卷

2131

期

第

2147

北洋官報

目錄

高門抄
交旨
奏請○吏部奏裁錄警官改外辦法摺△甘督升奏旱災
奇重設局賑撫摺△川督趙奏官運積滯情形摺
公牘○自治局詳一件△磁州礦局詳一件△安州票一
件
文告三則△電報七則△新聞十一則
附錄○京師勸工陳列所章程△天津陳列所第五次招
考簡章

本局第一四期法政學報已出

宮門抄

五月二十七日 禮部 學部 正紅旗值日 潤貝勒充總族長謝 恩 璧公正進王六班謝 恩

薩鎮冰請 訓 倫貝子請假五日 劉廷琛續假二十日 掌禮司奏初一日祭 奉先殿倍公行

禮 召見軍機 薩鎮冰

交旨

五月二十七日 軍機大臣欽奉

諭旨陳慶龍奏鄂軍援皖出力之記名簡放總兵王得勝著賞給健勇巴圖魯勇號欽此

奏議錄要

吏部奏酌擬裁缺警官改外辦法摺

奏爲酌擬裁缺警官改外辦法請

旨遵行事據民政部咨本年四月十五日本部具奏考試廳員分別汰留一

摺奉 旨依議欽此並將汰留各員履歷清冊咨送到部查原奏內稱二月十三日奏明核實整頓摺內聲明傳

集廳區有無差缺各員一律考試優等者留廳任用中等者參照吏部奏定裁缺改用章程分別安插下等者開缺

等因數月以來分期考試計考列優等之王式楨等六十一員考列中等之寶增等二百五十一員按照奏定去留

辦法優等者留廳照舊任用或量予升擢考列中等各員除當差得力者准由廳丞酌保數員實缺者暫不開缺未

經補缺者暫留試用外其餘各員實缺者應卽作爲裁缺未經補缺者開去行走名目飭令離廳所有作爲裁缺之

五六七八九品警官擬請比照裁缺員外郎主事小京官部司務及筆帖式改用外官辦法各按品級分別改外等

語查前工部等衙門係奉

旨裁併其各項實缺人員皆係當差多年是以臣部奏定章程外用者一律作爲

俸滿以應升之缺分發省分歸截取各班補用今民政部所裁警官係考試甄別裁汰之員與裁缺情事微有不同

且廳區調用之初諸從權宜其官階亦未必一一核實若本已速化於前復令躡升於後揆諸甄別之名義實多未

符惟既經民政部援引裁缺章程奏請改外亦不可不折中核定俾資効力臣等公同商酌擬請原係實缺候補並

奉 旨錄用人員調補之警官暨調補後復按級遞升者准其各按現官應得升階給予分發或原有捐保實官

並未到部到省卽經調補升補者則以對品相當之官給予分發均歸候補班補用如底官並未核准以及僅止候

選並職銜頂戴生監人等借補得缺之員應除正印外各以對品相當之丞倅佐貳分發並祇准歸試用班補用以

上對品中項數多者卽由臣部掣定一項仍俟該員等具呈後再行隨時分別核辦庶於體恤之中仍寓限制之意

至原奏雖一律聲明改外惟內有曾經到署之司員筆帖式現所調之缺既裁如願仍以原官回原衙門行走亦應

一體照准以免用違其材如蒙

俞允應由臣部咨行民政部轉飭遵照所有酌擬裁缺警官改外辦法是否有

當謹恭摺具陳伏乞

皇上聖鑒訓示謹 奏宣統元年五月二十四日奉 旨依議欽此

陝甘總督升允奏甘省旱災奇重設局籌辦賑撫摺

奏爲甘肅近省州縣旱災奇重設局籌辦賑撫恭摺仰祈 聖鑒事竊甘省自光緒三十二年秋禾歉收三十四年夏秋失種所有各州縣被旱被雹被凍情形業經先後 奏請蠲緩錢糧分別賑恤在案查上年被災最重之區蘭州府屬則有皋蘭靖遠金縣河州狄道州沙泥州判紅水分縣鞏昌府屬則有安定會甯涼州府屬則有平番迭據各州縣稟報災情無不隨時酌量接濟今春雨澤愆期復據碾伯暨各土司紛紛報災請賑甘省地本高寒水泉缺乏童山彌望生殖不饒一遇亢旱即成奇荒本歲二麥既未播種節交夏令又未得有透雨加以連年旱歉戶鮮蓋藏各處飢民至剝取草根樹皮爲食鄉間牲畜多至餓路哀鴻徧野慘目傷心爰飭司邊派委員攜帶銀糧分投散放一面嚴札地方官妥爲撫輯俾免失所現即於司署設籌賑局以期提綱挈領統籌無遺並派委正佐各員贊畫經營藉資臂助惟是被災州縣至十餘處之多亢旱歷三年之久災區甚廣爲日又長籌辦急賑加賑所有散放銀糧借給籽種開辦平糶提運採買糧石均不容稍緩須臾即皆宜先籌款項甘肅素稱貧瘠全賴協款接濟近年各省關欠解甚鉅左支右絀羅掘術窮當此災情奇重億萬生靈困餓嗷嗷待哺而庫空如洗束手無方已經據情電 奏仰蒙 聖恩賞撥帑銀六萬兩邊區遺孑共頌 皇仁嗣復懇經各省籌款助賑現已陸續匯解到甘第思辦賑莫難於用人藩司總理一切責無旁貸而籌畫賑需鈎稽冊籍襄理公牘勸諭捐輸與夫清查災戶安集流亡各事宜在在均關緊要即在在宜得廉能是又非破除官場習氣力求核實不足以蘇民困而回天心倘承辦各員奉行不力或有侵吞肥己情事應立時照律嚴參其真能潔己奉公勤勞罔懈者擬即於事竣後 奏懇獎勵庶幾賞罰分明人皆爭自濯磨弗敢作爲不肖奴才仍當飭在事人員悉心籌度認真綜核總期無遺無濫實惠及民以仰副 朝廷飢溺同民之至意據布政使毛慶蕃詳請具 奏前來除咨部查照外所有甘省旱災奇重設局籌辦賑撫緣由謹恭摺具陳伏乞

皇上聖鑒謹 奏宣統元年五月二十四日奉 硃批著毛慶蕃按照所定勸懲章程如辦有成效者准予請獎玩忽滋弊者即予嚴懲務使實惠均沾毋令災黎失所欽此

四川總督趙爾巽奏計岸官運積滯懇展緩銷期併案造報摺

奏爲川省計岸官運積滯籲懇展緩銷期併案造報以期核實而符歲計據實恭摺具陳仰祈 聖鑒事竊查川

省餉項以鹽務爲大宗憲法財政以歲計爲綱要四川計岸官運自前署督臣岑春煊於光緒二十八年 奏請設局開辦起癸卯迄丁未五綱均經依限造銷在案本年以所欠新軍餉項甚鉅先後飭據鹽茶道黃承暄及現署鹽茶道尹良據實查明該局自二十八年開辦起至三十四年底止實共銷過水引四萬四千五百九十四道六則八包現尙積水引七千九百零二道四則八包或存廠未運或到岸未銷引滯鹽停征款盡壓於成本考厥積滯之因固緣於官運各屬罔不與歸丁行票各州縣毘連銷場多爲所侵佔而其大端則尤在癸卯綱創辦之初各岸舊商存鹽甚夥其未配之鹽雖已飭繳代行而其已配之鹽勢必先儘銷竣且上下游各岸運道無一不係逆流飛挽匪易各岸名爲正月開辦而官鹽運岸發商近者三四月遠則有遲至七八月者以川省報銷例限計算是以數月之期令銷一年之引其勢已有所爲難况該局癸卯綱奏銷又預計添銷一二千道造入銷冊無怪多所積壓溯查預計報銷之原因則以是年閏五月前兩廣督臣岑春煊奏准提撥該局盈餘三十五萬兩作爲粵餉迭經欽奉

諭旨飭催其湊解銀三十二萬兩以濟要需有此鉅款開支彼時遂預計造報致令入銷餘引不免停滯自此套前搭後積累因之愈多上年經前護督臣趙爾巽奏請減銷該局餘引部議仍定以歲銷八千五百道爲率而證以該局前此數綱每年實止能如原奏銷額不能再議加增現屆銷期鹽停引滯礙難造報據現署鹽茶道尹良詳請具 奏展緩銷期併案造報前來奴才覆查該局所欠之餉固緣其引滯鹽停而積累之由尤誤於後銷先報現當清理財政之始查憲政編查館奏頒財政統計表式第三條內開釐網疲滯或壓銷至六七年之多餉案稽延或漏報至十餘年之久惟有新限截清既往之咎不論庶幾和盤托出一年之計無虧各等語是各省釐網積滯情形已爲部臣所深悉若再不據實陳明變通辦理不特與統計多所違礙卽餉案亦新舊套搭難免稽延於歲計仍難資考核合無仰懇 天恩俯念川省計岸官運雖壓積戊申水引七千餘引係由顧銷餘引所致而統計六綱行引與原奏所認銷數實已及額准予照章更新不咎既往本年先儘現積之引全數銷竣不敷再行己酉額引截至本年底止共銷正餘水引若干同戊申綱銷數限於宣統二年三月併案造冊奏報所餘未行引及己酉額引一併解

部徵銷作爲舊案卽以庚戌年爲始按照前署督臣岑春煊奏定引額依限實銷實報以符新章新舊之界限既清會計之考核自易一面仍由奴才隨時督率鹽茶道設法維持認真整頓以暢銷路而裕餉源所有川省計岸官運積滯籲懇展緩銷期併案造報緣由理合恭摺具陳伏乞

皇上聖鑒訓示謹 奏宣統元年五月二十四日奉 硃批度支部議奏欽此

公牘錄要

直隸自治總局詳擬定地方自治預備會簡章文並批

爲詳請事竊維地方自治爲立憲之根本前奉 憲台札發城鎮鄉地方自治并選舉章程飭令迅速通行各屬遵章切實辦理各等因仰見 憲台孜孜圖治之至意欽佩莫名職局職司籌辦自應通飭各屬實力奉行以免臨期貽誤惟直省幅員遼闊重以自治體大事繁如城鎮鄉區域之分割選格之調查以及戶口習慣交通財力之所宜在在非先行預備不足以爲實行之地職局督飭在事員紳反覆籌商擬令各屬先設地方自治預備會以本地多數之人籌議本地自治之事仍由職局隨時查核嚴定考成庶不至有所流弊而可收自治推行之效謹擬地方自治預備會簡章十六條繕具清冊呈請 憲台鑒核如蒙 俯賜批准擬即通行各屬一律遵照辦理所有擬定地方自治預備會簡章緣由理合備文具詳伏乞 照詳施行

謹將職局擬定地方自治預備會簡章繕具清冊恭呈 憲鑒 計開 第一條 本會爲預備實行地方自治而設故名爲地方自治預備會 第二條 本會每廳州縣各設一處凡本會開會前一切布置均由自治研究所辦理其未設有自治研究所者均由勸學所代理之 第三條 本會由本廳州縣地方官監督之 第四條 本會會員額數按照各廳州縣區域廣狹定之大治至多三十人中治至多二十五人小治至多二十人由會員互舉一人爲會長 第五條 前條所定會員額數應按巡警區域平均分配由各本區人自行推舉 推舉會員先由自治研究所擇定各該區適中地域由地方官定期按村遍行傳知紳商學界屆期齊集各該處辦理 第六條 本會會員應於城鎮鄉地方自治章程施行細則加意研究公同會議擬具先後辦法繕就說帖呈由本地方官轉詳自治總局核奪 第七條 施行細則第三條城鎮鄉之區域由本會就本境區域體察戶口習慣交通財力之所

宜劃分若干鄉公同會議繪具圖說呈由本地方官轉詳自治總局核定 第八條 施行細則第七條分別城辦鎮辦鄉辦由本會就本境內之公款公產分別某項爲一城所有某項爲一鎮一鄉所有公同會議擬具表冊呈由本地方官轉詳自治總局備案 第九條 本會會員於本屬自治研究所未設立者如何籌辦已成立者如何改良擴充并如何推舉所員一公同會議擬具條款呈請本地方官辦理 第十條 凡本會會議以到會會員過半數之同意爲議決可否同數時由會長決之 第十一條 本會得隨時開會會議由會長於開會前三日通知各會員非三分之二到會不得開議 第十二條 凡關於地方自治調查選舉事件本會得承地方官之委任辦理之 第十三條 本會得借城內公共房屋爲事務所 第十四條 本會成立後應刊刻圖記呈報本地方官並自治總局啓用 第十五條 本會會員均爲名譽職其會中一切費用由地方官酌量撥發交會長核實支銷 第十六條 本會會議規則辦事規則應由會中擬訂呈由地方官轉詳自治總局核定

督憲那 批詳冊均悉所擬簡章甚屬妥善應准照辦惟第十五條會中費用由地方官酌量撥發應改爲酌量妥籌撥發仰即改定通行各屬一體遵照辦理此繳

磁州礦局詳請該礦辦法及招股章程暨呈圖摺候示文並批

爲詳請事案照宣統元年閏二月二十四日奉 憲台批開職道等稟勘驗磁礦情形一案奉批據稟已悉磁州一帶礦產既經該道等履勘查有馮峯小九莊等處煤苗煤質既旺且佳均可開採擬先籌集官商股本銀六十萬兩即於馮峯地方設立公所請發給官款二十萬兩仰候另行籌撥給領至請仿照灤州官礦章程三十里以內礦產均由該局開採并請酌減火車運費以及擬由彭城鎮起至馬頭鎮止修築鐵路一道以便轉輸而維礦政各節候分咨 郵傳部農工商部分別立案核覆飭遵薛村地方舊有煤窰地勢既與官礦逼近應准該窰主附入合辦候咨 河南撫部院查照飭屬立案其磁州封禁舊窰及應需價買之地併候札飭該州先行出示曉諭以免阻撓并仍將所招商股章程妥籌擬議呈候核奪繳等因遵將招股章程謹擬大略辦法十四條暨請發關防緣由稟請核示各在案竊查直境煤礦甚多各處亦陸續開採惟大半攙入洋股不但權利外溢且後患滋多磁州地接隣省煤質既佳礦產尤富久爲外人所涎視此次仰蒙 憲台首先提倡發給官款一面飭令招集商股自行開採一以

杜他人之覬覦一以開民生之厚利而 國家製造之需亦可足於供給此誠一舉而三善者也惟原擬集官商股六十萬爲開採資本加以修築鐵路非百萬不足集事職道等肩茲鉅任彌切悚惶事關公益必須安定辦法章程以維久遠謹援灤州礦務成案擬訂公司辦法繪具礦界圖說呈請 憲台鑒察並將招股章程礦界圖說各備一分仰祈轉咨 郵傳部農工商部俯准立案另由公司照章遞繳照費承領開礦執照理合備文詳請 憲台核奪示遵

督憲那 批據詳並圖摺均悉茲先將所請關防隨批發去仰即祇領啓用至該公司所擬辦法及招股章程并該礦界址應候酌核定再行分咨 農工商部郵傳部查照分別立案核覆并飭磁州知照可也繳圖摺存

署安州劉牧寶泰通稟初選事宜遵限辦竣情形文

敬稟者竊卑州籌備諮議局議員初選事宜前於稟定投票開票地址之後即經分派管理監察各員先將一應辦法逐細研究一面檢齊奉發投票紙同製備投票應投票簿得票記數單分投妥籌布置所有五投票區之投票所第一區則設於州城北街小學堂第二區則設於板橋巡警局第三區則設於同口巡警局第四區則設於新安關帝廟第五區則設於端村碧霞宮如投票人入門處休息處簽到處領票處寫票處投票處出門處貼示章程規則處均爲明白簽示開票所則設於州署大堂如開票時之開票處唱名處得票記數處記載廢票處檢集票紙處亦爲明白簽示以期有條不紊秩序井然第事屬初行投票人諸多隔膜非預爲規畫精當不免貽誤臨時於是未事之先恐投票人不明區域也即將某一區內村莊若干是何村名分區列榜俾知其所居之村屬在某投票區恐投票人不知所之也又將屬在某區之各村選舉人按名列榜俾知其爲某區之投票人應赴本區投票所不致誤入他區恐投票人臨期不到也又爲分區分村開具名單既令巡警知會於先復派地方邀約於後使其屆時必須親到某投票所投票免致觀望不前恐投票人不知從何選舉也復於各投票所榜示各區選舉人名俾知凡係五區以內之選舉人皆可票舉其有選舉權而無被選舉權之人亦另行宣示俾免誤舉無效部署既定即於五月初一日舉行投票初六日舉行開票計投票時各區投票人共投七百八十一票若以卑州額定當選人九名除原有選舉人一千零二十一名總數以定當選票額未免動多障礙因就實在投票總數除算以得半數四十三票爲當選

開票時楊振鏞得八十四票李維翰得四十九票王召庸得四十八票劉伯璫得四十七票樊庭華得四十五票此五人均得票滿額惟核與應出當選人九名定數尙少當選人四名復查此次不滿票額得票較多各姓名中陳遜之得四十二票孫漢雲亦得四十二票朱培之得三十三票劉續曾亦得三十三票王銘得三十二票伊遵籍得二十八票沈蔭棠得二十四票張紹輔得十九票即按所少當選人四名加倍開此八人姓名各投票人在原投票地方就前開八人中於十一日再行投票十三日再行開票計投票時各區投票人共投八百九十一票若按現少當選人四名除實在投票總數以定當選票額其得數之半爲一百一十一票雖就此票額計算此次投票後得票滿額之人足敷當選人四名之數仍恐候補當選人名數太少萬一當選人中將來或有當選無效時候補當選人不敷遞補又復窒碍多端不得已遂按榜開八名之數除算以得半數五十五票爲當選開票時陳遜之得一百九十五票伊遵籍得一百三十一票孫漢雲得一百二十六票張紹輔得一百二十四票此四人均得票滿額票數較多名次在前應與前次當選人五名同爲確定當選人以足額定當選人九名之數其餘朱培之得一百二十一票王銘得一百零三票劉續曾得五十九票此三人亦均得票滿額數在配定當選名額以外應作爲候補當選人業經先後榜示並分別知會各該當選人均據呈明情愿應選一律給予執照除將人名簿票紙票簿票單照章保存外所有卑州初選事宜遵限辦竣緣由理合稟請查核

文告錄要

督憲批示錄要○大名鎮稟覆遵飭拿獲偷竊道釘賊犯請咨由 批據稟已悉該軍右營拿獲偷竊京漢鐵路道釘賊犯沈吉保李五子邊米貴子鄂秀等四名既經解交磁州收審候行按察司轉飭該州提犯嚴究確情錄供擬議詳辦并咨 郵傳部查照仰即將前案單開未獲各犯迅即督飭嚴緝務獲具報至懲辦偷竊道釘罪犯及工人所用槍械應否明定專章併候飭司妥議詳覆核辦繳

學台牌示○爲牌示事准山海關副都統咨據永平府防守尉呈送文生馬甲增瑞考試選拔前來應准與考惟該生仍應由儒學補具文冊務於榜發前呈送到司以憑考核而符定例仰速遵照特示○又准陝西提學使余咨送陝西師範學堂教員趙承祖回籍考試優拔等因應准與考惟該生仍須由原籍儒學列冊申報以符定例而

昭核實仰速遵照此示

臬台批示○完縣監生石紹先來司呈控一案 批兩次呈控業經一併發府飭委訪訊詳奪在案虛實均應詳覆俟覆到再行核奪該生即回籍靜候查覆核辦毋庸曉凜仍候行府知照粘單附○平山縣民人張昌熾來司呈控一案 批查此案前據該縣錄供詳報當經批府核飭審解在案應候札催該縣作速將犯審擬解府詳司核辦爾即回籍安度可也

附錄天津官事○署山東巡撫孫慕韓中丞於昨日上午十二鐘抵津小駐即乘輪赴東 督憲率同通城司道文武赴新車站跪請 聖安

電報錄要

路透電○波斯國民黨現入波京與兵隊交戰甚烈

又電○法內閣議定表式加增步兵十一隊砲兵四十二隊

又電○美總統戴夫德氏與元老院議院各員商議允許將社會進款稅減為值百抽一

又電○據駐坎拿大京城訪員報告坎政府因中國擬派總領事駐紮坎京擬將限制中國人入口之例刪改以敦睦誼所有工人之人口稅仍照常徵收至於限制學生并商人子之例均須刪改并將學生之稅豁免

又電○英國駐印度陸軍統帥吉青納爾氏擬於西八月一號由印啓程至中國日本遊歷然後再赴澳洲英國司丹德爾報云英政府擬派吉氏為陸軍總參謀以便整頓英國陸軍

又電○華盛頓消息美國海軍部議定擬派太平洋第一第二艦隊自今年西八月至明年西三月遊歷亞東洋面

柏林電○德國漢伯克地方舉行來福槍擊射會頗有進步該會員電致德皇稱賀

新政紀聞

政治

憲政會議廳第二次集議○江蘇撫轅設立憲政會議廳自上月行開幕禮召集四府一州各官紳齊至會議後其未決各事本定下次續議嗣因陳伯帥在任出缺此舉遂未續行現省憲已飭首府何太守函召府屬各廳縣尅

日來省於十九日在府署再開第二次會議（如同城兩縣則先調一縣來蘇餘俟下次再調）以備各抒所見云。稟請調驗吸煙紳士。○江蘇松江府屬紳士具稟省台云。紳董吸煙不准辦理地方公事。憲章通飭雷厲風行。乃時逾月餘。而現在地方之辦理公事者。吸煙人仍居多數。何以故。未嘗如官場之實行調驗也。故不准者。自不辦。而辦者。自辦。且各董辦理公事。往往出入衙署。習爲故常。情面所關。優容可市。且謂不准辦理者。乃對於未辦者而言。非對於現辦者而言。法意本屬簡明。而容身妙於誤會。自非迅飭實行。凡各廳州縣辦理地方公事。向來吸煙之紳董。概呈切結。請赴調驗。否則應請飭令各地方官。特設調驗煙癮所。或慮地方官不免寬容。另委監驗員。當場搜驗。並照此次諮議選舉章程。凡辦理地方公事之有嗜好者。許地方人呈控。控不實者。罰金控。而受驗吸者。除斥退。不准外。更科罰金。尤不准調驗所作弊。以致驗如不驗。轉使吸煙人有恃無恐。地方公事仍可牢踞。把持。而曲房密室之中。依然吞吐。行樂。紳等恫於大局之關係。端在禁煙。而明法之森嚴。敢於容隱。用敢瀝忱。申請實非好爲苛刻之論。別存攻訐之私。祇欲憲令達於必行。污點因之盡滌。以適於我。國家化民成俗之機。再憲飭禁煙章程。內開學界吸煙者。職員教習。辭退學生。除名。似專指學堂而言。現奉明文。於暑假期內。考取優拔。似亦關於學界。且優拔爲受職之塔。日後即涉官界。尤宜不准吸煙。並請通飭各屬。報考優拔者。一併取具並無嗜好。切結。到省。赴試時。由學憲驗過。實係不吸。始准考試。

財政

通飭甯屬整頓統捐。○金陵釐金總局通飭甯屬統捐局云。照得籌改統捐。首在清除積弊。核實呈報。不准故違定章。任意減折。開辦以來。迭經本總局諄諄誥誡。已不啻三令五申。各局員應如何整躬率屬。力臻上理。以收正本清源之效。大勝關寶應爲長江淮河首卡。尤當切實奉行。乃聞該委員等。互相見好。司巡則勾串招徠。扞量船隻多不足。成首卡以不代收爲市惠之地。人必不過。以相繩。遂於其自收者。亦復任意通融。而查驗之卡。但求有捐可收。亦不敢挑剔。來船票船之不符。以自絕。其後此之生機。况查驗本無收捐之責。首卡留其自收之捐。其歸公與否。亦在渺不可知之列。此近日淮河裏下河各卡之通弊。似此行爲。實堪痛恨。值此餉絀萬緊之時。亟應嚴加整頓。除不時派員密查。並分飭各局。立即遵照。嗣後本總局。即以首卡代收之多寡。定首卡之功過。以次卡補罰。

之多寡定次卡之功過務須勤督司扞核實抽收不准私自相讓去年改統之時該委員尙能力祛積弊故收數銳增近漸不如前矣急應激發天良奉公守法云

清理財政之預備○湖南清理財政局以各屬申報該本管地方財政或籠統開報而未將案由分晰註明或按款分註而不屬之三十四年者款目既多混淆造報尤嫌率略核與度支部頒發章程第八條內開各節不相符合特於日前擬定各廳州縣光緒三十四年歲入歲出表通行各屬又擬定各署局光緒三十四年內外銷出入各款表移咨各衙門局所均限一月內照式填註查局以便詳請咨部云

民事

查封葛沽煙館○直隸各屬自禁煙令下煙館早已禁絕無如四鄉集鎮耳目難周雖經各處巡警嚴密稽查尙有不及覺察者昨聞禁煙總局訪得天津海河一帶有私開煙燈情事當派委員前往偵查確實於葛沽鎮孛獲羅温田張連奎煙館兩家送交該處區官訊究懲辦聞將兩處煙間發封外並各重罰苦力似此雷厲風行四鄉遠埠想亦聞風儆懼不敢嘗試矣

分派學生調查氣候土壤○奉天農業試驗場成績報告已編印第一及第二期惟全省地方遼闊寒暑土壤均有不同非詳行調查不能爲振興提倡之預備勸業道特派農業學堂速成第一班畢業生分赴各屬切實調查就聞見編訂成冊庶奉天全省農業之狀況可以一覽而知云

實業

札飭派員赴勸業會○督憲札飭工藝總局文云准南洋大臣電開咸電悉勸業會場設別館事承飭派員尅期來甯接洽具仰維持實業欣佩莫名特此電諭等因到本署閣大臣准此合行札飭札到該局即便查照遵電迅速派員具報此札

勸業會調查浙閩物品○浙撫增中丞現據南洋大臣端午帥來咨以南洋第一次勸業會官商合資試辦現已設立事務所籌備各項事宜自應遴選通達商情人員分途董勸調查茲委郭主事等分赴浙江福建兩省聯絡地方官紳及商會籌議關於勸業會一切事宜及各地方之出品於開會以前運甯陳賽並請轉飭所屬暨商會遵

照辦理云云中丞奉咨後已札飭勸業道董觀察遵辦矣

路礦

灤州煤礦開股東正式會○直隸灤礦公司於本月二十四日開正式股東大會凡政界紳界學界工商界到者約百餘人下午兩鐘振鈴後衆股東及執事員齊集會廳由總理周緝之廉訪報告灤礦開辦後至現在情形復與協理孫蔭庭觀察演說告退總協理之理由旋由議長趙大令幼梅提議選舉董事議決後衆股東遂各投票開筭揭曉以得權數最多者爲當選照章選定董事十五人李希明周緝之趙幼梅劉仲魯陳一甫李嗣香李伯芝孫蔭庭張伯訥嚴範孫盧慎之王少泉胡季樵周實之楊溥菴等多係大資本家旋用複選舉法由董事中選有總協理資格者先後各舉一人其被舉總理者爲周緝之廉訪得一千一百三十一權被舉協理者爲孫蔭庭觀察得一千零三十八權其後又選舉孫君華伯甄君鑄臣爲查帳員并決議總協理任期以三年爲限董事以二年爲限查帳員以一年爲限按該礦厚集股本於上年四月間擴充籌辦今年初開第一次股東正式會總理周廉訪孫觀察創辦此事幾經晷晷時閱三載始底於成此次開會報告歷來創辦情形不特足以徵信於各股東尤可使各省之熱心實業者聞而欣羨聞原訂是日二鐘開會六鐘閉會因當時探討極詳籌畫極細直至魚更

二躍始行巖事

知照車站購地事宜○天津董事會知照趙家場股經紀函云爲知照事茲據直隸公舉調查津浦鐵路總事務員閻鳳閣諸人具遞說帖以津浦鐵路總站設在河北趙家場後地方業蒙 鐵路督辦大臣允許惟恐有牟利之徒預爲購置居奇將來路局購地必至價昂多所窒礙擬請移請天津縣立案所有趙家場圍牆內外一帶之地非經董事會調查明確認可後均不得私相授受一俟站台界址劃定餘地仍由業主自便等語據此除已據情移請縣尊立案外查河北一帶買賣地畝立契向須由貴經紀蓋印戳記茲准前因在站台界址未經劃定以前所有趙家場後地方買賣地基者應令到董事會報告由會查明認可後辦理將來站台界址劃定再行照常售購以免購地謀利抬價居奇之弊爲此知照貴經紀查照辦理爲盼須至知照者

第三條 凡一應貨品中外習用不同南北風尚亦異當調查其地方習慣之所宜
第四條 各省有原料精良而製法未善或製法雖善而原料不佳者應一併調查
第五條 如須派員調查各省物產時應呈請本部酌給劄文護照

第六條 遇有各省新出製品實係物美價廉未經寄送本所者由調查員提議呈請本部調取
第七條 如有實業家或各處公司工場諮詢事件其業經調查明晰者即由本課逐條答復

第八條 調查員應於本所開會時演說工商要理

會計課細則

第一條 職掌各項銀錢出入簿記及每月月終造具詳細清冊報部並於年終編列銀錢出入總表以備參考
第二條 設立流水分款各賬簿流水簿每日逐款登載十日一結由總理查核呈管理檢閱其分款簿每五日一

為騰寫每月結算存所備查

第三條 凡員司人等每月薪水及夫役辛工等於領到部款之第二日發給

第四條 凡員司每月支領薪水另立專簿如員司支領後自蓋戳記月終由總理查核呈管理檢閱

第五條 本課應支各款均須經庶務課開單蓋戳方能支領如無庶務課單不得發給

第六條 凡活支各款在十兩以內者商承總理酌發若款項稍鉅須呈候管理核准方能發給

第七條 本課出款不能一律用銀其用銀圓用錢之處按照當時市價折合銀項造冊報部

第八條 每日入覽券售價須另款存儲

第九條 凡各員司挪借銀項各事概不得支給以重公款

第十條 本課職司銀錢關係最重儻賬目不清或私挪公款一經查出惟本課員司是問

皮設課細則

第一條 掌管皮設物品按類分區而皮設之

第二條 分派執事學生各照指定之區看護皮設品並查其勤惰

第三條 皮設之品由執事學生按類記簿並照標籤定式註明漢英文字使人觀覽皮設課長應查其所標記者有無遺誤

第四條 皮設品之數目種類有無增減皮設課長按照簿籍隨時查點每屆月杪分別列表

第五條 皮設品之有自然損耗者如須補換由皮設課長陳明總理酌核其寄售各品並須知照原主

第六條 皮設品之如有借貸者先出具貸與書由皮設課長商承總理以定可否若貴重之品應照交原價以爲質俟送回原物時仍將質金繳還

第七條 皮設之品如有借貸參考者除具貸與書外仍與商定貸期酌納貨品費逾期酌加以昭信用若因公益擬貸者果非假託亦可酌免貸費金惟查有損害處概應賠償其堪修補者應令納修補費

第八條 皮設之品其寄售者如須特別裝飾應由品主自製如須特別之皮設架應按照所占容積每立方尺先納三個月之寄售金

第九條 皮設之品凡本所購入或寄贈者均擬由本所出費保定火險其奇陳寄售者應由品主酌定保險費照繳皮設課長轉交本所代辦否則儻有意外本所概不負責任

第十條 凡由皮設課承收以上各項之費金分款記簿隨時交與本所會計課

天津勸工陳列所第五次報考工業簡章

一本所爲提倡工業起見冀蒙 督憲批准招考工業業於光緒三十一年三十二年三十三年三十四年舉行四次考給獎牌洵足以資觀感而昭激勸茲擬於今年夏秋間復開第五次考獎各工業家應在招考限內(自五月起外州縣以五個月爲限本埠以四個月爲限)將自製物品送所考驗送到先給收條爲據外埠願來投考者或逕送本所或由地方官轉送均聽其便

二所有上四次投考各工業家無論已取未取今年仍可將新製物品送所投考倘有進步定仍給獎以爲改良進步者勸

三凡送製品必須標明名目商標價值出品地以及製造人之姓名年歲籍貫住址並習業年數如係出自公共之手可祇書字號與總理人之姓名至價值均以折合洋元爲準

驅除血毒

在錫蘭有患最劇之癩瘡非醫院所能療治者為韋廉士大醫生紅色補丸所治愈撒母耳極克生者英俊人也年方二九居於科倫佈撒拔斯街之海而山地善體操術為皇家大學堂踢球隊中之一而又精打球之戲然竟有一且不能出外者蓋其人自膝至趾皆發最劇之癩瘡甚至足不容履其母嘗為之憂云吾子身軀至於此極吾實不知何法措置各醫士皆覺棘手無能為力乃竟一服韋廉士大醫生紅色補丸其瘡立愈余夫與余驚喜非常爰命吾子自述其病狀如左云○余憶十一歲時偶患癩瘡自膝至踝至趾皆無完膚其致病之原由因與同伴偕遊於污水旁以致毒入血內之故也其瘡形小而紅膿汁飽而滿顆粒叢生列如星宿未能勝數醫士云此係癩瘡也一



科倫佈極瘡既裂一瘡又生瘡內生瘡痛楚莫名趾縫克生患癩之間莫不皆有暴躁異常奇癢難忍甚至襪瘡為韋廉士大醫生履皆不能容余母携余至醫院診治而又詢諸科倫佈著名醫士歷七匝月之久試用枯藥油藥水藥以及內服等藥非徒無益抑且有損於是余父准以韋廉士大醫生紅色補丸治愈

丸各余試服而余母因余年幼每次僅以半丸與服未幾癩瘡盡退身體由是全愈近七年來余之週身十分強壯無復有瘡節之患矣○夫癩瘡一疾無論輕重如僅以外藥敷治斷難除根韋廉士大醫生紅色補丸能適攻入根原使其不潔枯薄之血立能潔淨有力使全體康健復原不第速治如極克生所患之癩瘡且曾醫治 山林瘴氣 血薄氣衰 胃不消化 正忡驚悸 風濕骨痛 腎骨痠痛 筋系疼痛 腦筋失調 左癱右瘓 腳氣衝心 操勞過度 思慮傷神等症又能醫治少壯婦女 月信愆期 白帶白淫諸疾莫不效驗如神焉 中國各處藥局商店均有代售或直向上海九江路B字第八號 韋廉士大醫生藥局總發行處購買亦可價銀每六樽大洋八元每一樽大洋一元五角 遠近郵費一律不取

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在天津奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各磚瓦等件重量式樣大概用法另刊有華洋文廣告光顧諸君請向本公司索閱面議一切可也

德律風一千三百零九號

利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參崴等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鑲子表墜大小八音盒並留聲話匣單雙桶千里眼砭蘭磨花穿衣鏡妝梳洋鏡

本行主人啟

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡蟒蟒洋貨布疋各色喇厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅器珫藍 奇巧美術玩器 學界文房用品 旋行携帶等件 精工製身物料 定織各色磨氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

天津銀號廣告

本銀號代辦直隸公債所有本年宣統元年二月初一日四月初一日第四年第一第二兩期應付本利銀兩即係原訂光緒三十五年期限業經照數分付廣登告白各在案茲值本月杪為第四年第三期滿給還本利之期凡天津暨各府廳州縣各票主請查照章程第七條持票至原借各府廳州縣及各籌款分局核取本利銀兩且期滿之票並可任便抵納地丁錢糧鹽課關稅及各項稅捐已詳請督憲照准章程通飭各屬不准留難索務即持票兌取現銀毋得自悞再如有以前到期未經支取各票本利銀兩亦可至原借各處驗票續發特此佈告

啟新洋灰有限公司磚股截止廣告

啟者本公司磚窖收股於五月十五日為兩箇月期滿已經截限現計兌到股款已多逾額尚須設法勻退特此廣告遠近附股諸君勿再溢交免勞往返滙兌謹啟

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會甯碾伯及各七司又先後報災邊地高寒水泉素乏童山彌望生植不饒一遇早乾即成凶饉現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人伏食之慘窮民紛紛亂逃糧價日增麥已漲至每石三十六兩稻草已漲至每斤二十七文視向來不啻十倍臣奏上朝在廷西陲地瘠民貧蓋藏本鮮此番被災時非再有巨款接濟何以能救此哀鴻夫天災流行國家代有救災恤患義不容辭況甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民計未嘗非為全局計也現上海諸公已發起賑會無非出於愛國愛民之苦心同人復敢為甘民請命敬懇仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店
天津獅子林北洋官報總局

本局

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

本報代派處

各省郵政局分局均認定代派本報凡由郵局訂購者不取郵費
 北京琉璃廠橋西路北公慎書局本分局
 天津石橋胡同後齊佐周
 保定省城北大街官書局內本分局
 錦州同益分報館
 南京東牌樓慶昌 濟南官書局
 天津鄉南李茂林
 奉天省城振泰報局
 開封南書店街本分局
 各州縣驛遞不在此例

大清銀行廣告

現奉 部飭展限付還國民捐款仍以原捐執照為憑統按前定章程辦理由本月開付限至本年年底為止 天津大清銀行謹啓

直隸全省土稅現經度支部議定仍舊認

真辦理勿裁

前月柯遜帥議擬督豫徐東皖直等省禁種商之大部停辦現經部議直省京津銷場最大查驗最煩畿輔腹地關係尤重直省土稅仍須照舊認真辦理不得裁撤刻已由遜帥飭知直省土稅局遵照矣

便宜祭幛出售

茲有庫緞杭甯摹本亮花大呢布東縐洋緞各色祭幛寄存估衣街勾德豐帽店出售貨色新鮮均照市價八折扣算 賜顧諸君請至該處購閱可也